



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-1623

09/12/2021

ქ. თბილისი

თელავის მუნიციპალიტეტში, სოფ. ვარდისუბანში შპს „თელავის საგზაო სამმართველოს“ ასფალტის საწარმოს ექსპლუატაციის პირობების ცვლილებაზე სკრინინგის გადაწყვეტილების შესახებ

შპს „თელავის საგზაო სამმართველოს“ (ს.კ. 231167607) მიერ, გზმ-ის ჩატარების საჭიროების დადგენის მიზნით, საქართველოს გარემოს დაცვისა და სოფლის მეურნეობის სამინისტროში წარმოდგენილია თელავის მუნიციპალიტეტში, სოფ. ვარდისუბანში ასფალტის საწარმოს ექსპლუატაციის პირობების ცვლილების სკრინინგის განცხადება.

2008 წელს საქართველოს გარემოს დაცვისა და ბუნებრივი რესურსების სამინისტროს მიერ შპს „თელავავტოგზის“ ასფალტის წარმოებაზე (თელავის მუნიციპალიტეტი, სოფ. ვარდისუბანი) გაიცა №42 (08.12.2008) ეკოლოგიური ექსპერტიზის დასკვნა და გარემოზე ზემოქმედების ნებართვა. 2016 წელს აღნიშნული ნებართვა გადაეცა შპს „თელავის საგზაო სამმართველოს“. აღნიშნულის საფუძველზე, 2021 წლის 5 აპრილს, საქართველოს გარემოს დაცვისა და სოფლის მეურნეობის სამინისტროს მიერ გაიცა გარემოსდაცვითი გადაწყვეტილება (ბრძანება N 2-398).

სკრინინგის განცხადების თანახმად, ექსპლუატაციის პირობების ცვლილებასთან დაკავშირებული სამუშაოები უკვე შესრულებულია (გაზრდილია საწარმოს სამუშაო საათები და წარმადობა), ასევე შეიცვალა საქვებში გამოყენებული საწვავის სახეობა. ზემოაღნიშნულიდან გამომდინარე, საკითხი შემდგომი რეაგირების მიზნით გადაგზავნილ იქნა სსდ გარემოსდაცვითი ზედამხედველობის დეპარტამენტში.

წარმოდგენილი დოკუმენტაციიდან დგინდება, რომ კომპანიის კუთვნილი ასფალტის ქარხანა მდებარეობს თელავის მუნიციპალიტეტში, სოფ. ვარდისუბანში, შპს „თელავავტოგზის“ კუთვნილ 10004 მ² ფართობის არასასოფლო-სამეურნეო დანიშნულების მიწის ნაკვეთზე (ს/კ 53.08.42.264). ობიექტის განთავსების GPS კოორდინატებია: X – 536562.00, Y – 4641005.00. უახლოესი მოსახლე საწარმოს განთავსების ტერიტორიიდან დაშორებულია დაახლოებით 650 მ-ით. საწარმოს ტერიტორიაზე ასევე ფუნქციონირებს ინერტული მასალების სამსხვრევ-დამხარისხებელი დანადგარი, რომლისთვისაც გადასამუშავებელი ქვიშა-ხრემის მოპოვება ხორციელდება კომპანიის ლიცენზირებული კარიერებიდან.

სკრინინგის განცხადების მიხედვით, ასფალტის საწარმოს წარმადობა 35 ტ/სთ-ს შეადგენს, ხოლო სამსხვრევი დანადგარის წარმადობა 33 ტ/სთ-ს. ობიექტზე მსხვრევის პროცესი სველი მეთოდით ხორციელდება და მიღებული პროდუქცია, ქვიშა და ღორღი, გამოიყენება ასფალტის წარმოებისათვის. საწარმოს სამუშაო რეჟიმი, ექსპლუატაციის

პირობების ცვლილებამდე, შეადგენდა წელიწადში 150 დღეს, დღე-ღამეში 8 საათს. ობიექტზე წლიურად ხორციელდებოდა 42000 ტ ასფალტის წარმოება.

დოკუმენტის თანახმად, ექსპლუატაციის პირობების ცვლილების ფარგლებში განხორციელდა საწარმოს 1200-საათიანი სამუშაო რეჟიმიდან 2080-საათიან რეჟიმზე (260 სამუშაო დღე წელიწადში) გადასვლა; ექსპლუატაციის პირობების ცვლილების შემდეგ საწარმოს საპროექტო წარმადობა გაიზარდა 72800 ტ-მდე, რისთვისაც ობიექტზე ამჟამად გამოიყენება 34000 ტ ქვიშა, 34000 ტ ლორდი, 4080 ტ ბიტუმი და 840 ტ მინერალური ფხვნილი. სამსხვრევ-დამხარისხებელ დანადგარზე წლის განმავლობაში გადამუშავდება 68640 ტ ბალასტი და მიიღება ასფალტის წარმოებისათვის საჭირო ქვიშა და ლორდი. ამასთან, შეიცვალა საწარმოში არსებულ საქვებში ბიტუმის გასაცხელებლად გამოყენებული საწვავის სახეობა და დიზელის ნაცვლად (30 კგ/სთ) ხდება ბუნებრივი აირის (50 მ³/სთ) გამოყენება. შესაბამისად, აღარ ხდება საქვებში დიზელის წვისას გაფრქვეული მავნე ნივთიერებების წარმოქმნა.

დოკუმენტის თანახმად, საწარმოს საქმიანობისას წარმოიქმნება და ატმოსფერულ ჰაერში გაიფრქვევა მავნე ნივთიერებები - არაორგანული მტვერი და ცემენტის მტვერი. ობიექტზე იდენტიფიცირებულია ატმოსფერულ ჰაერში გაფრქვევის 11 წყარო. ატმოსფერულ ჰაერში გაფრქვევები მოსალოდნელია ასფალტის წარმოებაში გამოყენებული დანადგარებიდან, აგრეთვე, ინერტული მასალების სამსხვრევი დანადგარიდან, ინერტული მასალების ბუნკერში ჩაყრისას, ნედლეულის ლენტური ტრანსპორტიორით გადაადგილებისას და ინერტული მასალების საწყობებიდან. სკრინინგის განცხადებაში წარმოდგენილია საწარმოს ოპერირების შედეგად ატმოსფერულ ჰაერში მავნე ნივთიერებათა გაბნევის ანგარიში, რომლის თანახმადაც, როგორც საწარმოდან 500 მეტრის რადიუსში, ისე უახლოეს მოსახლესთან, მავნე ნივთიერებათა კონცენტრაციები არ აჭარბებს კანონმდებლობით დადგენილ ნორმებს.

სკრინინგის განცხადებაში წარმოდგენილია საწარმოს ფუნქციონირების დროს ხმაურის გავრცელების გაანგარიშება, რომელიც ჩატარებულია ობიექტზე ყველა დანადგარის ერთდროულად მუშაობის შემთხვევისთვის. გაანგარიშების თანახმად, უახლოეს მოსახლესთან ხმაურის დასაშვები დონეების გადაჭარბება მოსალოდნელი არ არის. ამასთან, სკრინინგის განცხადების მიხედვით, პროექტის ფარგლებში ობიექტზე ხმაურის გამომწვევი დანადგარების დამატება არ იგეგმება, შესაბამისად, ხმაურის დონის ცვლილებას ადგილი არ ექნება.

დოკუმენტის თანახმად, საწარმოს მიმდებარედ, 500 მეტრის რადიუსში, მსგავსი პროფილის საწარმოები არ ფუნქციონირებენ, შესაბამისად, კუმულაციური ზემოქმედება მოსალოდნელი არ იქნება.

საწარმოში წყალი გამოიყენება საწარმოო და საყოფაცხოვრებო დანიშნულებით. საყოფაცხოვრებო მიზნებისთვის წყალმომარაგება ხორციელდება ადგილობრივი (თელავის) წყალმომარაგების სისტემიდან, ხოლო საწარმოო დანიშნულებით წყალაღება ხორციელდება მდინარე ვარდისუბნის ხევიდან, სადაც წყლის მიწოდებისათვის მოწყობილია ღია არხი, რომლითაც წყალი ჩაედინება საწარმოს ტერიტორიაზე მოწყობილ გუბურაში, საიდანაც დანადგარზე წყლის მიწოდება ხორციელდება ტუმბოს მეშვეობით. საწარმოო მიზნებისთვის ობიექტზე ყოველწლიურად გამოიყენება 131040 მ³ წყალი. გამოყენებული წყალი სალექარში გავლის შემდეგ ჩაედინება ისევ ვარდისუბნის ხევში. ობიექტზე წარმოქმნილი სამეურნეო-ფეკალური წყლების ჩაშვება ხორციელდება ტერიტორიაზე მოწყობილ ბეტონის სასენიზაციო ორმოში.

სკრინინგის განცხადების თანახმად, საწარმოს მიმდებარედ წარმოდგენილი არ არის კულტურული მემკვიდრეობის ძეგლები. ტერიტორიის სიახლოვეს არ ფიქსირდება მრავალწლოვანი ხე-მცენარეები და ცხოველთა სახეობები. ამასთან, ექსპლუატაციის პირობების ცვლილება არ ითვალისწინებს რაიმე სახის სამშენებლო სამუშაოებს, შესაბამისად, ნიადაგის ნაყოფიერ ფენაზე ზემოქმედება მოსალოდნელი არ არის.

წარმოდგენილი დოკუმენტაციის მიხედვით, საწარმოს ოპერირებისას წარმოქმნილი ნარჩენები გროვდება სეპარირებულად, შესაბამის, მარკირებულ კონტეინერებში. საყოფაცხოვრებო ნარჩენების გატანას ახორციელებს თელავის მუნიციპალიტეტის დასუფთავების სამსახური. სამსხვრევ-დამხარისხებელი დანადგარის ექსპლუატაციისას სალექარში დაგროვილი შლამი (წლიურად დაახლოებით 1372,8 ტ) დროებით დასაწყობდება შლამის ბაქანზე და შემდგომ გატანილი იქნება კომპანიის ლიცენზირებულ კარიერზე შემავსებლად. ობიექტზე წარმოქმნილი სახიფათო ნარჩენები გადაეცემა შესაბამისი ნებართვის მქონე კომპანიას.

სკრინინგის განცხადებაში განხილულია საწარმოს ექსპლუატაციის ეტაპზე მოსალოდნელი ავარიების რისკები და შესაბამისი პრევენციული ღონისძიებები. დოკუმენტის თანახმად, საწარმო აღჭურვილია ავარიების ლიკვიდაციისთვის საჭირო მოწყობილობებით. გააჩნია ხანძარსაწინააღმდეგო სტენდი და პირველადი სამედიცინო დახმარების ინვენტარი.

წარმოდგენილი სკრინინგის განცხადების შესწავლით დგინდება, რომ საქმიანობის ექსპლუატაციის პირობების ცვლილების მასშტაბიდან, აგრეთვე, სასარგებლო წიაღისეულის გადამუშავების მეთოდიდან (სველი წესი) და ობიექტიდან დასახლებული პუნქტის დაშორებიდან (650 მ) გამომდინარე, თელავის მუნიციპალიტეტში, სოფ. ვარდისუბანში ასფალტის საწარმოს ექსპლუატაციის პირობების ცვლილება გარემოზე მნიშვნელოვან ზემოქმედებას არ გამოიწვევს.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილის და ამავე კოდექსის მე-5 მუხლის მე-12 ნაწილის საფუძველზე,

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ თელავის მუნიციპალიტეტში, სოფ. ვარდისუბანში შპს „თელავის საგზაო სამმართველოს“ ასფალტის საწარმოს ექსპლუატაციის პირობების ცვლილება არ დაექვემდებაროს გარემოზე ზემოქმედების შეფასებას;
2. შპს „თელავის საგზაო სამმართველო“ ვალდებულია საქმიანობა განახორციელოს 2021 წლის 5 აპრილს გაცემული გარემოსდაცვითი გადაწყვეტილებით (ბრძანება N2-398) განსაზღვრული პირობების შესაბამისად, წარმოდგენილი ცვლილებების გათვალისწინებით;
3. შპს „თელავის საგზაო სამმართველომ“ ერთი თვის ვადაში უზრუნველყოს ექსპლუატაციის ცვლილების გათვალისწინებით განახლებული ატმოსფერულ ჰაერში მავნე ნივთიერებათა ზღვრულად დასაშვები გაფრქვევის ნორმების პროექტისა და ექსპლუატაციის ცვლილების გათვალისწინებით შემუშავებული ზედაპირული წყლის ობიექტში ჩამდინარე წყლებთან ერთად ჩაშვებულ დამაბინძურებელ ნივთიერებათა ზღვრულად დასაშვები ჩაშვების ნორმების პროექტების სამინისტროში შესათანხმებლად წარმოდგენა;

4. შპს „თელავის საგზაო სამმართველოსთვის“ ზემოაღნიშნული პირობები წარმოადგენს 2021 წლის 5 აპრილის გაცემული გარემოსდაცვითი გადაწყვეტილებით (ბრძანება N2-398) განსაზღვრული პირობების განუყოფელ ნაწილს და მათი შესრულება სავალდებულოა;
5. ბრძანება დაუყოვნებლივ გაეგზავნოს შპს „თელავის საგზაო სამმართველოს“;
6. ბრძანება ძალაში შევიდეს შპს „თელავის საგზაო სამმართველოს“ მიერ ამ ბრძანების გაცნობისთანავე;
7. სკრინინგის გადაწყვეტილების გაცემიდან 5 დღის ვადაში გადაწყვეტილება განთავსდეს სამინისტროს ოფიციალურ ვებგვერდზე და თელავის მუნიციპალიტეტის მერიის საინფორმაციო დაფაზე;
8. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი